

Gujsanh Siujyoz Laemxsim Swnjcienz Vwnzva Minzcuz

古山小学：民族文化传播有声有色

□ Vangz Gizsingb/黄吉星 ing/sij



▲ Canghfwen iq Veiz Yaujginh
ciengq go Vahcuengh.



▲ Aenfaengx hagseng suek
haenx baij youq ndaw ranzbaij-
cuengq.

◀ Gyoengq bouxdaeuz yawjgonz "funghranz Ywcuengh".



▲ Dagogenh hozdung myabyawj.



▲ Gyoengq bouxdaeuz、laux-
hangz yawjgonz "suen Ywcuengh".



▲ Gyoengq bouxyawj iq yawj dwk
maezmwd.



▲ Sawson yaubwnj baij youq
ndaw ranzbaijcuengq.

Swcigih Gyauyuzdingh 10 nyied 22 daengz 23 hauh youq Gveigangj Si guh aen hozdung yawjgonz caeuq baijyienj gij cingzcik maenhndei hong cauxlaeb "Swcigih vwnzva minzcuz son'gyauq yiengh ndei hagdangz" neix, comz gyoengq lauxhangz caeuq bouxdaeuz hagdangz bae yawjgonz hagsib, doxlnh doxyaeng, romcomz gingniemh, doengzcaez doidoengh gih raeuz hong laebguh hagdangz daegsaek minzcuz guh ndei guh swnh baenaj.

22 hauh banhaet, gyoengq bouxdaeuz Swcigih Gyauyuzdingh Minzgyaucu、hagdangz guhyiengh cauxlaeb gak yienhsi nem doenghboux lauxhangz mizgven doxcaeh bae daengz Cinzdangz Gih Mungzgunh Yangh Gujsanh Siujyoz, nyinhcaen sijsaeq dwk yawjgonz le gij saedguh gihdi、funghranz Ywcuengh、funghranz baijcuengq caeuq ciengzbaucawjdaez aen hagdangz neix, humxyawj gij biujyienj



▲ Yaucangj Vangz Gizsingh yiengq
gyoengq hek gaisau hagdangz cingzvang.



▲ Vwnzyidui hagdangz yienj foux
faexsaux.

hozdung dagogenh daengxgyoengq hagseng caez guh haenx, hawj hagdangz engq nauhyied angqyangz.

Gujsanh Siujyoz genhciz guh ndei hong Cuengh Gun song saw vah sonhag saedniemh, ciemhciemh dawz vwnzva Bouxcuengh cuengq haeuj gwnzdangz, hawj hagseng youq ndaw heiqhom vwnzva minzcuz majhung, geij bi neix daeuj hagdangz genhciz banh gak cungj yinxdaeuz siujcuj hozdung, miz vehveh、sijcih、lanzgiuz、dijyuz minzcuz、foux saeceij、ngeihyienz doengh giyneix, hawj hagseng gagnyienh camgya caemhcaiq youq ndaw hozdung demgya cihsiz. Bineix, hagdangz youh doenghhong guh funghranz Ywcuengh caeuq ranzbaijcuengq, youq 9 nyied daej gaenq guhbaenz haicuengq, ndawde faenbied baij miz gij yw caeuq sawdan Ywcuengh youq dangdieg soucomz ma baij haenx, baij miz gij ciengjcaeng ciengjboi hagdangz lai bi daeuj aeundaej caeuq gij faengx hagseng gag suek doenghgij doxgaiq hagseng gag guh haenx, hagdangz 10 yiengh it dungxcaiz dinfwngz gungganq cienlanz doengh giyneix, hawj vunz yawj le roxyiuj lailai naemjsiengj lailai.

Yawjgonz sat seiz, Guengjsae Minzcuz Gyauyuz Fazcanj Cungsimeij Cuiyin Couh Gwzyih angq dwk doiq yaucangj Gujsanh Siujyoz naeuz, danghnaeuz dajfaen, gou hawj sou 100 faen! Guengjsae Swhfan Yozyen Codaengj Gyauyuz Yozyen fu'gyausou Liengz Cunh-lenz caemh angq dwk naeuz, gyoengq lwgnyez Gujsanh Siujyoz yienh'ok le cungj yienghsienq cingsaenz gaenxgoemx guh baenaj ndeu, ndaej yawj ok hagdangz youq sonhag fuengmienh guh ndaej ndei, cingzcik yienhda.



▲ Gyoengq canghfwen iq hagdangz
angq eu fwen couxhek.